

# Maua le Fesoasoani i Fesili mo A'oga Faapitoa

## Faatomuaga

E iai i le vaega IEP le tiutefai i le faia o le tele o faai'uga e fesoota'i i a'oa'oga o tamaiti a'oga e maua i le lē atoatoa o le malosi. O le tele o tulaga o nei vaega e iai le tiutefai i le faia o le tele o faai'uga tāua e fesoota'i i tamaiti a'oga o lo'o maua i le lē atoatoa o le malosi. O le tele lava, ua mafai e nei vaega ona taulau manuia e malilie faatasi i se Polokalame Taua'oa'oga e Faapatino mo se Tagata (IEP) e mafai ai e le tamaitiiti a'oga ona maua a'oa'oga talafeagai ai e lē totogia mo le lautele (FAPE).

Peita'i e iai taimi e lē mafai ai e vaega ona malilie faatasi ma ua lagā ni finauga. Ua faalaeiauina e le ODE ia matua ma latou o faia a'oa'oga ina ia galulue faatsi e foia popolega e fesoota'i i le polokalame o a'oga faapitoa a le tamaitiiti a'oga, ae ia malamalama foi e iai taimi e manaomia ai fesoasoani faaopoopo. Ua ofo mai e le ODE [nisi filifiliga e fesoasoani i matua ma a'oga itumalo e faatautaia ai fe'ese'eseaiga](#) e fesoota'i atu i a'oga faapitoa. E iai foi i le ODE tagata e iai tomā faapitoa ua tofia i a'oga itumalo ta'itasi o lo'o avanoa e mafai ona fesoasoani iā oe e malamalama ai i au āia tatau ma nei faatulagana pe afai e te manaomia le fesoasoani e iloilo ai au filifiliga.

## Mauaina o le Fesoasoani

### 1. Talanoa i le Faia'oga a Lou Alo

E ui e iai i a'oga itumalo taitasi i Oregon ana ia lava tulaga iloga, ae i tulaga masani ai, e tatau i matua ma sui o aiga ona talanoa muamua atu i le faia'oga a lo latou alo ina ia maua ai le fesoasoani. O le tele o taimi, o le faia'oga a le tamaitiiti ua sili ona fa'aaupupegaina lelei i le foia o popolega e tula'i mai.

### 2. Galulue Faatasi ma le Pule o le Mataupu (Case Manager)

O le toatele o tamaiti a'oga o loo mauaina auunaga o a'oga faapitoa e iai foi pule o mataupu ua tofia atu iai e a latou a'oga. O lenei tagata e masani lava ona avea ma faia'oga o a'oga faapitoa a le tamaitiiti. O le tiutefai a pule o le mataupu e galue e ala mai i le faatulagana a le IEP faatasi ai ma le vaega IEP mo a latou tamaiti a'oga. Pe afai ua lē mafai e le faia'oga o le potua'oga a lou alo ona foia ou popolega, atonu o le a mafai ona fesoasoani atu le pule o le mataupu o a'oga faapitoa.

### 3. Foia le Faafitauli ma Pulefaatonu o le A'oga

I tulaga masani ai, e iai foi pulefaatonu a le a'oga i totonu o a'oga (pei o, pulea'oga, pulea'oga lagolago), o lē e iai le tiutefai ina ia faamautinoa o lo'o aogā tualimaga o faia i le a'oga i lea aso ma lea aso. I tulaga ua lē mafai ae e faia'oga ona foia popolega o aiga, e masani ona mafai ona fesoasoani atu iai taiulu ua faatulagaina i a'oga.

### 4. Saili atu Fesoasoani mai le Ofisa o le Itumalo

Pe a lē mafai e tagata faigaluega o i le a'oga ona foia ou popolega, i tulaga masani ai e iai le isi la'asaga maualuga tau pulega a le itumalo mo le vaaigna e ala mai i le ofisa tutotonu. E mafai e

le ofisa o a’oga faapitoa, atonu e ta’ua foi o auaunaga mo tamaiti a’oga po’o se isi igoa tai faapena, ma le ofisa o pulesili o le a’oga ituamalo o i lou vaipanoa ona fesoasoani iā oe e foia ou popolega pe afai ua lē mafai e le afaigaluega o i lau a’oga ona latou faia faapea.

### **5. Galulue ma le Toleniina o Matua ma le Nofoga Tutotonu mo Faamatalaga i Oregon**

E va’aia e Oregon le Toleniina o Matua ma le Nofoga Tutotonu o Faamatalaga (PTI) e ala mai i le [FACT Oregon](#). E saunia mai e le FACT Oregon fesoasoani iloga, toleniga, ma punāo’a ina ia fa’aauppegaina ai ma avatu le malosi i aiga, suia le auala e latou te vaai ai i tulaga o le lē atoatoa o le malosi, ma fesoasoani iā latou ia iai se vaiga maualuga ma mo’omo’oga tetele mo a latou fanau. E saunia e tagata faigaluega mai le FACT Oregon fesoasoani i aiga ina ia faatautaia ai tulaga o le lē atoatoa o le malosi ma a’oga faapitoa. E va’aia ma saunia mai e le Oregon PTI nisi auala mo matua ma aiga mo le mauaina o tuautua, e aofia ai le telefoni pe ta se fe’au (text) i le 503-786-6082 po’o le 541-695-5416, imeli le [support@factoregon.org](mailto:support@factoregon.org), [faatulaga se talanoaga e ala iā latou upegatafa’ilagi \(website\)](#).

### **6. Faafesoota’i le Ofisa o le Faalauteleina o Avanoa o le Tamaitiiti A’oga i le Matagaluega o A’oga i Oregon**

Faamolemole ia sa’oloto e faafesoota’i atu le afaigaluega o le Ofisa o le Faalauteleina o Avanoa o le Tamaitiiti A’oga e maua mai ai le fesoasoani. E mafai ona e maua matou e ala i le imeli atu i le [ode.specialeducationquestions@ode.oregon.gov](mailto:ode.specialeducationquestions@ode.oregon.gov) po’o le telefoni i le 503-947-5600. Faamolemole ia mautinoa ia aofia ai le a’oga itumalo a lou alo e fesoasoani iā matou e faafesoota’i atu oe i le tagata faigaluega talafeagai ai. E mafai foi ona e [lafo mai se talosaga mo se fesoasoani mai le ODE i’inei](#).

## **Nisi Faamatalaga Atili**

O lo’o maua nisi faamatalaga atili e tusa ai ma āia tataua a matua o se tamaitiiti o iai ni tulaga o le lē atoatoa o le malosi i le [Procedural Safeguards \(Ta’iala Taupuipuiga\)](#).

O lo’o maua nisi faamatalaga atili e faatatau i filifiliga o i’ugafono o finauga i le [uepesite Dispute Resolution \(I’ugafono o Finauga\)](#) a le ODE